



KANTON SARAJEVO
Ministarstvo prostornog uređenja,
građenja i zaštite okoliša

КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-23-11911/19
Sarajevo; 21.03.2019.godine

Na osnovu tačke XVII tačka a) Odluke o subvencioniranju rješavanja stambenog pitanja mladih („Službene novine Kantona Sarajevo“, broj: 12/19) Ministarstvo prostornog uređenja, građenja i zaštite okoliša Kantona Sarajevo raspisuje

JAVNI POZIV

za subvencioniranje rješavanja stambenog pitanja mladih

I- PREDMET JAVNOG POZIVA

Predmet javnog poziva je podnošenje prijave i utvrđivanje rang liste za subvencioniranje rješavanja stambenog pitanja mladih u iznosu od 10.000,00 KM.

II-USLOVI ZA SUBVENCIONIRANJE RJEŠAVANJA STAMBENOG PITANJA MLADIH

Uslovi koje kandidat za subvencioniranje rješavanja stambenog pitanja mladih mora ispuniti su:

- a) da je starosne dobi od navršениh 18 godina do navršениh 35 godina u momentu podnošenja prijave,
- b) da je državljanin Bosne i Hercegovine,
- c) da ima prebivalište na području Kantona Sarajevo u toku posljednje tri godine prije podnošenja prijave,
- d) da nema riješeno stambeno pitanje,
- e) da nije bio vlasnik stana ili kuće koju je otuđio pravnim poslom,
- f) da prodavac stana ili kuće nije roditelj, brat ili sestra kandidata ili roditelj, brat ili sestra bračnog partnera kandidata,
- g) da je zaključio notarski obrađen ugovor o kupoprodaji stana ili kuće u periodu od 01.07.2018. godine do dana podnošenja prijave po javnom pozivu za subvencioniranje rješavanja stambenog pitanja mladih,
- h) da nije ostvario pravo po projektu Ministarstva za rješavanje stambenog pitanja putem kupovine stana pod povoljnijim uslovima, po projektu Ministarstva za rješavanje stambenog pitanja mladih putem zakupa uz obavezu kupoprodaje stana ili po projektu Ministarstva za subvencioniranje rješavanja stambenog pitanja mladih, što Ministarstvo utvrđuje na osnovu službene evidencije.

III – KRITERIJI ZA BODOVANJE

Kriteriji za određivanje broja bodova i utvrđivanja reda prvenstva kandidata na rang listi su:

1. Starosna dob

- a) do navrššenih 30 godina starosti.....15 bodova,
- b) od navrššenih 30 do navrššenih 35 godina starosti.....10 bodova.

2. Stepen stručne spreme

- a) doktor nauka.....30 bodova,
- b) magistar nauka ili završen drugi ciklus visokog obrazovanja sa ostvarenih ukupno 300 ECTS bodova.....25 bodova,
- c) VSS ili završen prvi ciklus visokog obrazovanja u četvorogodišnjem trajanju sa ostvarenih 240 ECTS bodova, prvak opere, drame i baleta.....20 bodova,
- d) VŠS ili završen prvi ciklus visokog obrazovanja u trogodišnjem trajanju sa ostvarenih 180 ECTS bodova.....15 bodova,
- e) SSS.....10 bodova,
- f) NS.....5 bodova.

3. Broj članova porodičnog domaćinstva

Za svakog člana porodičnog domaćinstva računajući i podnosioca prijave.....3 boda.

4. Priznati naučni rad, kulturni nastup i izložba, sportski i profesionalni uspjeh te renomirano svjetsko, evropsko i drugo javno priznanje za rezultat u radu i to:

- a) osvajač medalje na svjetskom prvenstvu i olimpijadi u sportu ili osvajač svjetskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanja umjetničke kritike.....5 bodova,
1) osvajač zlatne medalje (max. tri medalje).....1 bod.
Na broj bodova iz tačke a) dodaje se broj bodova iz podtačke 1).
- b) doprinos kroz patent dokazan ili certificiran od strane ovlaštene institucije i doprinos u nauci, tehnici i tehnologiji kroz inovaciju dokazanu ili certificiranu od strane ovlaštenih institucija.....5 bodova.
- c) osvajač medalje na evropskom prvenstvu u sportu ili osvajač evropskog renomiranog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike.....3 boda.
1) osvajač zlatne nagrade (max. tri nagrade).....1 bod.
Na broj bodova iz tačke c) dodaje se broj bodova iz podtačke 1).
- d) osvajač medalje na regionalnom i na državnom prvenstvu u sportu ili osvajač regionalnog priznanja i nagrade u oblasti nauke, tehnike, kulture, umjetnosti i informatike uključujući i priznanje umjetničke kritike.....2 boda.
1) osvajač prvog mjesta (max. tri prva mjesta).....1 bod,
Na broj bodova iz tačke d) dodaje se broj bodova iz podtačke 1).

Maksimalan broj bodova po svim elementima iz tačke 4. iznosi 10.

5. Boravak na području Bosne i Hercegovine

Za svaku godinu provedenu na području Kantona Sarajevo od dana punoljetstva do dana apliciranja na javni poziv.....1 bod.

6. Član porodice šehida, poginulog ili nestalog borca

Član porodice šehida, poginulog ili nestalog borca.....10 bodova.

7. Stepen invalidnosti

a) U skladu sa odredbom člana 56. Zakona o osnovama socijalne zaštite, zaštite civilnih žrtava rata i zaštite porodice sa djecom:

- za lice sa invaliditetom sa 20-30 % oštećenja organizma.....2 boda,
- za lice sa invaliditetom sa 30-40 % oštećenja organizma.....3 boda,
- za lice sa invaliditetom sa 40-50 % oštećenja organizma.....4 boda,
- za lice sa invaliditetom sa više od 60 % oštećenja organizma.....5 bodova,
- za svakih narednih 10 % oštećenja organizma dodaje se po.....2 boda.

b) U skladu sa odredbama člana 39. Zakona o penzijskom i invalidskom osiguranju:

- za I kategoriju invalidnosti.....10 bodova
- za II kategoriju invalidnosti.....5 bodova.

8. Kupoprodajna cijena stana ili kuće iz ugovora

Po osnovu kupoprodajne cijene stana ili kuće iz ugovora:

- a) kupoprodajna cijena do 70.000,00 KM.....15 bodova,
- b) kupoprodajna cijena od 70.000,00 KM do 100.000,00 KM.....10 bodova,
- c) kupoprodajna cijena preko 100.000,00 KM.....5 bodova.

9. Zajedničko apliciranje bračnih ili vanbračnih partnera

Bračni ili vanbračni partner aplicira zajedno jednom aplikacijom uz ovjerenu izjavu koji će od njih biti podnositelj prijave.

U slučaju da bračni ili vanbračni partner podnosioca prijave ispunjava uslove iz tačke II ovog javnog poziva, na broj bodova koje dobije podnositelj prijave, dodaje se jedna trećina bodova koje dobije njegov bračni ili vanbračni partner po osnovu kriterija iz tačke III podtačke 1., 2., 4., 5., 6. i 7.

10. Redoslijed na rang listi u slučaju jednakog broja bodova

U slučaju jednakog broja bodova, prednost na rang listi se daje kandidatu koji je dobio veći broj bodova prema redoslijedu kriterija iz tačke III javnog poziva, a u slučaju istog broja bodova i po tom osnovu, kandidati se na listi reda prvenstva upisuju po abecednom redu prezimena i imena kandidata.

IV – DOKUMENTACIJA UZ PRIJAVU NA JAVNI POZIV

Podnosioci prijave su dužni uz prijavu na javni poziv, dostaviti slijedeću dokumentaciju u originalu ili ovjereoju kopiji, ne stariju od 90 dana:

- a) izvod iz matične knjige rođenih za podnosioca prijave i sve članove porodičnog domaćinstva,
- b) uvjerenje o državljanstvu za podnosioca prijave i za bračnog ili vanbračnog partnera ako je zajedničko apliciranje,
- c) uvjerenje o kretanju za podnosioca prijave i bračnog ili vanbračnog partnera u slučaju zajedničkog apliciranja izdato od policijske uprave gdje podnosilac prijave ima prebivalište, odnosno boravište,
- d) uvjerenje Općinskog suda u Sarajevu da podnosilac prijave i članovi njegovog porodičnog domaćinstva nisu vlasnici stana ili porodične kuće na području Kantona Sarajevo,
- e) uvjerenje nadležnog suda, iz mjesta rođenja na teritoriji Bosne i Hercegovine, za podnosioca prijave i njegovog bračnog partnera, da nisu vlasnici stana ili porodične kuće,
- f) izjavu podnosioca prijave ovjerenu od strane nadležne općinske službe, da on i članovi njegovog porodičnog domaćinstva nisu bili vlasnici stana ili kuće koju su otuđili pravnim poslom,

- g) izjavu podnosioca prijave ovjerenu od strane nadležne općinske službe, da prodavac stana ili kuće nije roditelj, brat ili sestra podnosioca prijave ili roditelj, brat ili sestra bračnog partnera podnosioca prijave,
- h) notarski obrađen ugovor o kupoprodaji stana,
- i) diplomu o završenoj stručnoj spremi,
- j) ispravu odnosno mišljenje nadležne naučne, kullturne ili sportske institucije za kriterij iz tačke III podtačka 4. javnog poziva,
- k) rješenje ili uvjerenje nadležnog općinskog organa da se radi o članu porodice šehida, poginulog ili nestalog borca,
- l) ispravu nadležnog organa o stepenu invalidnosti,
- m) izjavu ovjerenu od strane nadležne općinske službe o zajedničkoj aplikaciji bračnih ili vanbračnih partnera, koju daje bračni odnosno vanbračni partner podnosioca prijave,
- n) izjavu podnosioca prijave, ovjerenu od strane nadležne općinske službe, da je saglasan, da ukoliko mu budu odobrena sredstva po javnom pozivu, Ministarstvu dostavi notarski obrađenu ispravu o obavezi kandidata.

Obrazac prijave na Javni poziv za subvencioniranje rješavanja stambenog pitanja mladih sa izjavom o saglasnosti za obradu ličnih podataka, objavljen je na web stranici Ministarstva prostornog uređenja, građenja i zaštite okoliša Kantona Sarajevo www.mpz.ks.gov.ba, a može se i preuzeti u zgradi Kantona Sarajevo (šalter sala), ul.Reisa Džemaludina Čauševića broj 1. Sarajevo, Popunjena prijava sa potrebnom dokumentacijom može se predati lično na protokol Kantona Sarajevo ili putem pošte na adresu: **Kanton Sarajevo, Ministarstvo prostornog uređenja, građenja i zaštite okoliša - Komisija za provođenje javnog poziva za subvencioniranje rješavanja stambenog pitanja mladih, ulica Reisa Džemaludina Čauševića broj 1. Sarajevo, u koverti na kojoj je potrebno staviti naznaku „Prijava na javni poziv – NE OTVARATI“.**

Javni poziv ostaje otvoren zaključno sa 26.06.2019.godine.

Javni poziv se nalazi na oglasnoj ploči Kantona Sarajevo, na web stranici Kantona Sarajevo: www.ks.gov.ba i web stranici Ministarstva prostornog uređenja, građenja i zaštite okoliša Kantona Sarajevo www.mpz.ks.gov.ba.

Prijave kandidata koje su neblagovremene, nepotpune i koji ne ispunjavaju uslove iz tačke II javnog poziva Komisija će odbaciti.

NAPOMENA:

Nacrt rang liste Komisija objavljuje na oglasnoj ploči Kantona Sarajevo, web stranici Kantona Sarajevo i web stranici Ministarstva.

Na nacrt rang liste kandidat može Komisiji uložiti prigovor u roku od sedam dana od dana objavljivanja nacrta rang liste.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje prijedlog rang-liste koji dostavlja ministru.

Konačnu rang listu utvrđuje Ministar prostornog uređenja, građenja i zaštite okoliša Kantona Sarajevo i objavljuje na oglasnoj ploči Kantona Sarajevo, web stranici Kantona Sarajevo i web stranici Ministarstva.

MINISTAR

Damir Filipović, MA prava



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029, Fax: + 387 (0) 33 562-031
Sarajevo, Reisa Džemaludina Čauševića 1

